



~~C 8288~~

Ud 5360

Biblioteka Jagiellońska



stdr0007433

- 1,
- 2, *Epitaphia Cphi. Merzini* a Kurozowski.
- 3, *Dreover*, Chroph. Radziwil.
- 4, *Bursius*, *Oratio funebris*.
- 5, *Tacobellus*, *Feralis pompa in funere A. Corvini*.
- 6, *Kornet*, Andr. Lipełipoki.
- 7, *Tacobellus*, idem g. no. 5.
- 8, Ch. de Chaluz Chalucky.
- 9, *Comenius*, *Spiegel Güttern Obigkeit*.

3

I V S T A

Funeri

ILLVSTRISSIMI PRIN-
CIPIS, AC DOMINI, DOMINI

CHRISTOPHORI

RADZIVILI, DVCIS BIR-
ZARVM ET DVBINKORVM,

Palatini Vilenſis in magno du-
catu Lithuanix, Sacri Roma-
ni Imperij Principis

SOLVTA

In Academia Lipsienſi, Anno

1604. Menſe Ianuario.

MATTHÆO DRESSERO.

In fine acceſſerunt Epicedia quædam in
obitum Laudatiſ. Principis, à Profeſſo-
ribus dictæ Academix conſcr.

L I P S I A E.

Imprimebat Michael Lantzenberger, Anno 1604.

3

ILLVSTRISSIMO

PRINCIPI AC DOMINO, DO-
MINO CHRISTOPHORO RADZIVILO,
CHRISTOPHORI FILIO DUCI BIRZANO
& DVBINCANO, suo Domino
clementissimo.

ILLVSTRIS-
SIME Princeps, Domine clementif-
sime, commouet me celsitudi-
nis tuae generosa indoles, ut
non tam celsitati tuae, quam
familiae toti officia mutua me debere profitear.
Cum enim ab illustrissimo parente tuo, & à cel-
sitate tuâ honorata sit Academia hac, vicif-
sim ad honorem & studium tribuendum obli-
gatos nos esse intelligimus. Quamobrem pla-
cuit hanc orationem scribere, quâ & animi mei
affectionem erga tuam Celsitatem declarârem,
& testimonium iudicij mei de parente incly-
to perpetuum praberem. Dum autem ma-
gnitudinem suscepti argumenti perpendi dili-
gentius, duabus rebus me defici facile perspexi,

A 2 facul-

EPISTOLA

facultate scribendi, & rerum ab illustrissimo parente tuo gestarum scientiâ. Longè enim absum, & Lithuanica historia à nemine hæcenus, quod ego sciam, satis illustrata literis est: Exceptis ijs quæ cum Polonici regni amplissimi actis communia habet. Ex eâ igitur quoad eius facere potui, nonnulla de parente, & auctoritatis tuæ deprompta, in hanc orationem contuli: quanquam interim nullam historia partem satis persecutus sum: quod ne fieri quidem à me debuit. Strictim duntaxat quadam delibavi, ut quibus, & quantis rebus non solum interfuerint, sed etiam præfuerint illi, aliquo modo possit cognosci. Neque etiam tam copia orationis, quam voluntas propensa & grata fuit declaranda. Quam tu pro tuâ equitate, & clementia in eam partem accipies, ut & latari nostro studio videaris, & nos gratam recordationem tui nunquam ex animis effluere patiamur. Iucunda erat omninò coniunctio duorum magnorum principum uno eodemque tempore in hac Academiâ viuentium, celsita-

tis

DEDICATORIA.

tis tuæ, & Philippi Iulij Pomeraniæ ducis illustrissimi, beneuolentia mutua, conuictus suauis, idem utriusque propositum peregrinandi & gentium, populorumque mores, studia, vrbes visendi. Et quidem in unum tempus utriusque discessus à nobis incidit. Peragrastis ergo tempore benè longo regiones Europæas, adiistis principes, conuenistis reges, cognouistis populos, conciliastis vobis ducum, & regum amicitiam, vidistis pacis, & belli artes, perspexistis sustinendarum obsidionum pericula, & hostes adoriendi, arcendi que studia tanta, quanta vix vlla etas vidit. Peregrinationis quoque idem penè utriusque exitus fuit, ut ad gubernationem paternarum ditionum in patriam reuersi tandem accesseritis. Utrique etiam oratio à me composita est, quamuis dissimili argumento & fine. Pomeraniæ enim duci Philippo Iulio in actu Rectoratus, quem lubenti animo susceperat, gratulatus sum oratione ad tempus lætum accommodatâ. Tuæ verò celsitatis paterno funerali iusta hac oratione soluo, in eum finem

A 3 dire-

EPIST. DEDICATORIA.

directa, ut luctus eius solatio aliquo leuetur. Fit enim iure quodam natura nostra, ut, quemadmodum res sese dant, ita magni quoque, atque humiles simus. Ac principi quidem Philippo Iulio gratulatoriam orationem vehementer acceptam fuisse ex vultu celsitatis eius serenissimo deprehendi potuit. Quare nec tua celsit. ingratam fore mœstitiæ nostræ in paterni funeris luctu declarationem confidimus. Quod verò huic orationi mea deesse videbitur, id suâ copiam, & ubertate compensare poterit Salomon Risinky studiorum, & consiliorum celsitatis tuæ informator fidiſſimus. Vale. Lipsiæ in die, quo Paulus ex hoste Christi accerrimo factus est Apostolus gentium saluberrimus, Anno 1604.

T. Celsitatis

studiosiss.

Matthæus Dresserus.

ORA-

O R A T I O.



REDO IVCVNDAM RECOR-
dationem illustrissimi ducis
CHRISTOPHORI RADZIVI-
LI in mentibus plerorumque; no-
strum adhuc versari. Sic enim
in hac Academiâ viuebat, & sic
studia literarum tractabat, ut non facile ex animis
nostris effluere memoria illius possit. Eluce-
bat in eo eximia spes, summa ingenij indoles, e-
minens virtutis effigies, domestica disciplina libe-
ralis, institutio ingenua, discendi cupiditas singu-
laris, admiranda clementia, iudicij dexteritas, e-
loquendi prompta facultas. Disputationum exer-
citationibus delectabatur, sed eruditis, & placidis,
à rixis verò, & contentionibus alienum habebat
animum. Id quod etiam Isocrates scribens ad A-
lexandrum, decere principem maximè cenſet.
Lites enim Sophistarum sunt, collationes verò so-
bria, graues, & verecundæ sapientum. Laudatur
à Dione Hadrianus Imperator, quòd naturâ fue-
rit amans literarum, & multa scripta partim so-
luta oratione, partim carmine composita reli-
querit. Cuiusmodi studium philologiæ vocabu-

lo no-

lo notatur, & principibus viris maximè dignum est. Et si enim carminis scribendi laborem fortè non attingunt, eloquendi tamen cultum capessunt, & quæ cognita, perspectaq; habent, ea politè, sapienterq; efferre posse laudi sibi ducunt. Cui quidem studio deditum fuisse ducem Radziuilum, quoad apud nos commoratus est, meminimus. Non enim artium tantum doctrinam, sed sermonis etiam latini facultatem sitienter expetiuit, atq; etiam assecutus est. Expleto autem curriculo plùs quàm annuo, ad alias gentes atq; nationes adiit, vt & rerum scientià sese augeret, & varietatem ingeniorum, atq; morum in alijs atq; alijs populis cognosceret. Atq; in hac quidem peregrinatione non Germaniæ solùm principibus sed etiam nonnullis regibus sic innotuit, vt carus, iucundusq; compluribus eorum factus sit. Interea dùm in oculis Germaniæ quorundam principum fertur, & in suauissima consuetudine eorum hæret, nuncius tristis de obitu parentis eius Christophori Radziuili ad eum affertur, quo accepto ocyus ad nos reuersus pristinam consuetudinem paucis quibusdam diebus subsistens renouauit, & amorem, clementiamq; suam in Academiae Professores documentis illustribus declarauit: dolorem tamen suum ex obitu tam

illu-

illustris parentis minimè dissimulauit, sed moerorem iustum, & filio generoso dignum præse tulit. Cuius quidem ægritudinis cum societas quasi quædam ad nos pertineat, iure vicem eius doluimus, communemq; cum eo tristitiam cepimus. Cùm enim membrum huius Academiae sese professus sit, & communi iure vniuersitatis nobiscum vixerit: æquum esse duximus, vt læta, pariter, & tristia cum eius celsitate participaremus. Quod cùm ita sit, documentum aliquod doloris nostri æquissimi statuendum esse putauimus, ex quo palàm fieret, quantum illustriss. parenti mortuo debeamus. Quid autem conferre in inclyti & fortissimi ducis manes possumus iustius, & professione nostrâ dignius, quàm si acta eius, & merita præclara in patriam gratâ prædicatione celebremus?

Christophorus Radziuilus Birzarum & Dubinkorum dux in Lithuaniam, sacri Roman. Imperij Princeps, Anno Christi 1547. natus est patre Nicolao Radziuilo Birzarum & Dubinkorum duce, Vilnensi palatino, matre vero Iuvinicia sceminâ illustri, & generosâ. Ab his parentibus generosè & ingenuè educatus Christophorus filius à teneris vnguiculis eruditus est ijs artibus, quæ ad intelligendum, & iudicandum

B

recta

rectà ducunt. Ipseq; adeò simul atq; adolescens esse cœpit, magna spectauit, ad eaq; omni studio contendit. Quod eò facilius facere potuit, quòd patrem Nicolaum ad omnia præclara ducem habuit. Is enim maturè labores militiæ suscepit, ad eosque etià filium Christophorum adhibuit. Specimen dedit illustre, cùm post mortem Sigismundi regis, interregni tempore, Mosci in Russiæ fines infusi tumultuarentur. Contra hos enim cum copijs quibusdam missus magnâ felicitate impetum illorum repressit, eaq; in re pietatem in tuendâ patriâ eximiam declarauit.

Dum ad Gedanum Rex Polonorum Stephanus castra habuit, & hostis irruentis fama latè manauit, nobilitatem Lithuanicam datis literis euocauit, & militare imperium per ducatum illum Nicolao Radziuilo, Vilnensi Palatino tradidit: qui cum exercitu non exiguo voluntarij militis ad eum accurrit. Deinde, cum Ioannes Chodkeuitius Leopoli administratione Lithuaniae sese abdicasset, administratio illius prouinciæ eidem Radziuilo commendata est, qui Christophoro filio aulicæ militiæ per Lithuaniam præfecto exercitum, qui in Liuoniâ fuerat, tradidit. Hunc ille Derpatum vsq; adduxit, prouinciâq; hostilem populatus est. Tùm ad Kirempesium excurrit,

idq;

idq; adortus cepit, atq; euertit. Inde ad regem, tùm Vilnam ad patrem reuersus est cum exercitu, vt militi stipendia merita persoluerentur.

Secutum est non multò post bellum cum Moscic gestum. Ad quod cùm necessaria præsidia compararentur, & de summa belli consilia caperentur: Rex Svirum vocauit Lithuanicum equitatum, vbi spectaculum iucundissimum vidit, cum gens Radziuila, & Ioannes Khiska structor regius equitatum in conspectum regis adduxerunt, omnibus rebus probè instructum, atq; armatum. Decreta iam & suscepta expeditione Moscica, tanquam dux itineris, & rei bene gerendæ auctor præmissus à rege est Radziuilus, cum Christophoro filio Polotiam, cum Lithuanicis quibusdam copijs, & equitatu Vngarico, cui Bekesius præerat, vbi viam subsequenti exercitui muniuit. Inde causâ dissimulandi, & præripienti hostis consilia in Moscouiam impressionem fecit, multa vastauit igne, & ferro, tantumq; effecit, vt hosti, qui terror Christiani orbis antea fuerat, terrori esset, nec pedem inde retulit, priusquam V Volgæ fluminis, vtramq; ripam populatus esset.

Hostis verò iam Plescouiam progressus partem aliquam copiarum in Lithuaniam misit, quæ excurrerunt & agrum Birzanum Christophori

Radziuili populati sunt: At missus à rege Ioannes Taluossius Samogitiæ Castellanus hostilem impetum à ceruicibus incolarum propulsauit. In ipsa verò oppugnatione Polotiæ locum à rege proximum Radziuilus tenuit, & cum subsidia Moscus obsessis misisset, Christophorus Radziuilus cum aliquot alis equitum lectis occurrit, atque restitit. Venit ad regem legatus ab Henrico ordinis Teutonici Magistro missus: vbi cum difficultas magna belli Liuonici sese offerret, consilium dedit Radziuilus, vt Adolphus Holsatiæ dux feudi iure Liuoniam sibi à rege dari peteret, operamq; & fidem suam in ea defendenda contra Moscum polliceretur. Quod consilium, ad reparandam quietem, & ad minuendos sumtus, atq; pericula directum erat. Sed eo tempore ad comitia deliberatio eius tota reiecta est.

Postquam Polotia, & Sokola DEI permissu, quemadmodum Moscus ipse in literis suis locutus est, in Polonorum potestatem redacta est, periculum sibi metuens tyrannus ille in interiorem Moscouiam, vbi se tutiorem fore sperabat, confugit. Rex verò bellum persecuturus Varsoviæ in conuentu de Lithuania tuenda & ab hostili impressione defendenda consilium cum Senatoribus iniit: decretumq; est, Radziuilo Vilnensi

Pala-

Palatino, qui cum imperio militari erat, curam illam committendam esse: & quidem in magistratibus, qui vacabant, distribuendis, Radziuilis partes primæ fuerunt datæ. Quæ tametsi strictim tantum à nobis attinguntur, nec pro dignitate, & magnitudine enarrantur: tamen, quanta auctoritas ducis Radziuili, cuius acta celebramus, tam in consultationibus, quam in officiorum muneribus fuerit apud suos, aliquo modo demonstrant. Quanta autem eadem apud hostes fuerit, cognosci potest ex Mosci literis, ad Nicolaum Radziuilum Vilnensem palatinum, & ad Eustachium Volouicium Trocensem castellanum datis, quibus petit, vt pacis autores, & suasores esse apud regem velint, ne plus sanguinis profundatur. Eum scilicet iudicauit barbarus ille Radziuilum esse, qui suo consilio, & oratione regis mentem iusta quadam vindictæ cupiditate incensam mitigare posset, & ad pacem faciendam flectere.

Atq; hæc, quæ de Nicolao patre Christophori Radziuili commemorantur, ad laudem totius familiæ, maximè tamen ad decus filij pertinent. Responsum autem, quod Mosco tunc datum est, à senatoribus Lithuanicis, huiusmodi fuit, vt intelligeret princeps ille magnus, non Polonos sed Moscos belli autores esse, nec regem à pace

B 3 alie-

alienum habere animum, sed laceſſitum ab illo iniurias iuſto bello perſequi debere, ac velle. In expeditione, & profectione ad Vſuiatam, & Lukos iterum agmen primum Palatinus Vilnenſis, & filius eius Chriſtophorus limitanei militis præfectus duxerunt. Ad Pleſkouiam Rex erat, cum ad eum allatum eſt, exercitum hoſtilem in Mohilouienſem, & Scouenſem agrum iruiſſe. Illico Chriſtophorum Radziuilum, qui tunc Diſnæ erat, cum aliquot turmis equitum Polonorum, quæ in locis ad Boryſthenem hibernabant, cum peditatu aliquo, & cum leuibus tormentis miſit, in mandatisq; dedit, vt in hoſtem rectâ iret, et, ſi ferret facultas, prælio cum eo decertaret. Plura multò in hoc Moſcico bello acta ab hoc Chriſtophoro prætermittuntur à nobis: & iam in eum locum reſ tota erat adducta, vt, interponente ſe in pacificationem pontifice Romano, pax vtrinq; conſtitueretur. Hæc verò quæ ſummatim expoſita ſunt, eò pertinent, vt, quanta induſtria, autoritas, atq; felicitas tam patris Nicolai, quam Chriſtophori filij Radziuili in hoc bello eminuerit, oſtendatur.

Ad exitum vitæ vocatus eſt Nicolaus Radziuilus Anno 1594. Aprilis die 27. cuius quidem herois obitus luctuoſus inprimis fuit regi, & fune-

ſtus

ſtus patriæ: Sed eò tamen tolerabilior, quòd filium reliquerat, paternum ingenium, virtute, & induſtria adæquantem, vel certè ad id proximè accedentem. Cuius documenta illuſtria iam tùm in Moſcico bello, inſpectante, & comprobante rege totoq; exercitu dederat. Itaque patris ſucceſſor in honoribus, & muneribus à rege declaratus eſt, vt & Vilnenſis palatinus, & exercituum præfectus generalis per Lithuaniam eſſet. In quo quidem officio ſic verſatus eſt, vt eius integritas, induſtria, fides, toti reipublicæ probaretur. In prouidendo enim conſilium, in agendo dextertatem, in conſiciendo celeritatem adhibebat. Præclara ſunt opera publica, & priuata Vilnenſi palatino, & militiæ generali præfecto obeunda. Nam & conſilia de ducatus Lithuanici ſalute, & incolumitate parte non parua ab eo gubernantur, & ad ſocietatem adminiſtrationis regni totius tam pacis, quàm belli temporibus vocari ſolet. Sæpè accerſitur ad comitia, non rarò ad arceſſendos hoſtium impetus, & ad tutandos fines tam ducatus, quàm regni deſtinatur.

Prædicatur, laudibusq; miris celebratur rara, & eximia illius ducis Chriſtophori comitas, manſuetudo, humanitas, quibus virtutibus ita excelluit, vt exteris etiam nationibus non notus

tantum

tantum, sed etiam iucundus fuerit. Misit pro admirabili suo in literas bonas amore in hanc Academiam filium suum Christophorum Radziuilum Birzarum ducem, cuius & animi & ingenij celeres quosdam motus deprehendimus, quos ad excogitandum acutos, ad explicandum expeditos, ad memoriam deniq; firmos esse perspeximus. Quanquam autem non solum principia literarum, sed progressiones etiam præclaras ad nos attulit: tamen de studio vberioris ingenij cultus capiendi nihil apud nos remisit, ut, quantum patriæ lumen futurus sit, diuinare non sit difficile. Atq; in hoc solertissimus, & gloriosissimus pater maiorum suorum Radziuilorum exempla imitatus est, quorum nonnulli in hac quoque Academia literarum doctrinâ liberaliter animum suum expoliuerunt. Quod quidem illius de literis nostris iudicium non possumus non summis efferre laudibus.

Compertum est, gentem Polonicam & Lithuanicam non alienam esse ab hac Academia, quippe, cuius copia semper ferè aliqua apud nos inuenta est. Oratoriam, & historicam facultatem cum sermonis latini scientia potissimum ea expetit. Hæc enim adiumenta sunt ingenij, industriæ, & rerum agendarum. Quæ cum in hac

Aca-

Academia tradita sint, & adhuc in promptu sint cuius, causa non est, quare ab ea abstinere ullus sapientiæ, & eloquentiæ studiosus velit. Nec in literas solum amorem suum declarauit Christophorus dux noster inclytus, sed doctrinæ quoq; religionis custos diligens, & constans in suis ditionibus extitit. Qua quidem laude præstantior nulla esse potest in homine principe præsertim, qui non ipse tantum religione rectâ beatus esse potest, sed subditis etiam ad salutem veram dux, & autor est. Si enim religio, & fides principis verbo Dei consona non est, non se ipsum tantum à Deo auellit, & pœnas æternas sibi accersit, sed id ipsum virus quoq; in subditos infundit, & cum multitudine ingenti in infernum ruit. Solent pericula certaminaq; obijci religionem profitentibus, ad quæ subeunda paratos animos habere eos oportet, nec metu ullo fractos professionem abijcere. Quod fecisse ducem Christophorum multis rerum argumentis probari potest. Nam hostiles incurfus sustinuit, & à se, suisq; vim omnem propulsauit.

Exarsit anno Christi 1600. in Liuoniâ bellum à Carolo Sueco Sudermaniæ duce accensum, qui errore quodam opinionis sibi fortè persuaserat fore, ut finitis inducijs in Poloniam erumpe-

C

rent

rent Mosci: quanquam metū etiam sese impulsū esse dicebat ad inuadendum Liuiōiam, ne scilicet arces & oppida, quæ illic haberet, à Polonis adimerentur. Hæc igitur Suecorum in Liuiōiam irruptio, iusta arma induit Christophoro Radziuilo generali exercituum per Lithuaniam ductori, & ad tuendam Liuiōiam arcendosq; hostes expeditionem suscipere coëgit. Erat autem regius in Poloniā præfectus Georgius Farensbeckius bellator egregius, vir cautus, & prouidus, cum quo copias suas Radziuilus coniunxit, & in hostem animo forti, & alacri iuit. Ac in primis Farensbeckius cum aliquot millibus Suecorum congressus, fudit eos impedimentisque illorum potitus est: quanquam etiam suorum non paucos amisit.

Obsidebat ea tempestate Carolus Derpatum, & 7000. homines VVendam misit, oppidum non admodum munitum. Hi à Polonis circumfusi in flumen adacti sunt, vbi fractâ glacie, partim suffocati, partim cæsi. Ineunte autem vere Lithuanie dux Christophorus Radziuilus exercitum fermè 6000. virorum in Liuiōiam adduxit & Kokenhusium circumfedit, tantaq; vi, & impressione oppugnauit, vt per deditionem voluntariam ceperit, & promiscuè omnes in eo inuen-

to trucidari iusserit. Conati quidem sunt Sueci obsessis subuenire, sed repulsi à Radziuilo viros multos amiserunt. Fretus hac opportunitate Radziuilus VVendam à Suecis relictam recuperauit.

Tum Ronneburgum obsidione cinxit, & emissâ suorum parte quadam, loca complura occupauit, nonnulla impositis præsijs muniuit, alia incendio vastauit. Rigam postea inuadere cogitauit Carolus adductis equestribus copijs, & legionibus peditum quinque. At, vt conatibus eius obuiam iretur, præsidium mille virorum ex Germanis, & Scotis collectorum urbi impositum est, locatisq; ad eam castris probè munita est. Nec multò post Polonica auxilia accesserunt, quibus territi Sueci obsidionem soluerunt.

Et si autem hoc Liuonicum bellum magnâ varietate fortunæ gestum est, modò ad Suecos, modò ad Polonos inclinante victoriâ: tamen eluxit in eo celsitas, & magnitudo animi tam Radziuili quam Farensbeckij, & Zamoscij Cancellarij magni, adeò vt prædicatione, & memoriâ posterorum digna sit. Radziuili equidem integritas, industria, felicitas, & moderatio multis magnisq; rebus spectata est. Victoriâ sæpè vsus est, sed abusus nunquam. Id quod in magno principe comprimis admirabilitatem magnam facit.

Sua quippe natura insolens, & superba est victoria, & insolentes plerumque reddite eos, qui eam potiti sunt. Quod sane maior laus debetur ijs, qui sic eam uti sciunt, ut nihil superbe, nihil immoderate agant. Quanquam natura etiam hic dux Radziuilus adeo clemens, humanus, æquus, & liberalis fuit, ut charus iucundusque fuerit bonis omnibus, aduersus, & inuisus nemini, nisi improbo. Ex quo etiam id boni tanquam ex fonte quodam sacro manauit, ut neque alijs iniuriam faceret ipse, neque illatam aliunde iniuriam persequendam acerbè esse censeret. Itaque factum, ut vindictam, & animaduersionem, quam uti poterat, libenter sæpè remiserit, & condonaret.

Consuetudinem, & amicitiam cum bonis quibusque libenti animo iungebat, iunctamque voluntate constanti tuebatur, & officiorum communicatione mutuam confirmabat, augebatque. Abfuit ab eo morositas, alienum fuit fastidium: comitatem, & affabilitatem cum grauitate perpetuo coniunxit, ut verè in illum quadret illud Menandri: quam dulcis est sapientiæ & bonitatis coniunctio. Non fraus in moribus, non dolus in sermone, non fucus in gestu, & vultu deprehendebatur. Quod enim quisque vir melior est, eò studiosius occultationes insidiosas & simulationes odit,

atque;

atque fugit. Non necesse est regum & principum magnorum exempla accumulare. Quod si fieret, comparatio splendida & iucunda multorum, qui in pace, & bello excelluerunt, cum hoc Radziuiulo institui posset. Verum non id agimus, ut ascito quodam colore hunc principem ornare velimus, cui natiua decora abundè suppetunt, quæ illum viuum extulerunt, & mortuum non deserunt. Comitatur enim virtus virum bonum, & existimatio præclara usque ad rogam profequitur.

Iustitiæ, quæ vna virtutum omnium regina est, curam magnam habuit, cauitque diligenter, ne cui iniuriam inferret, sed potius illatam à suis subditis, & patriam depelleret. Hæc enim duo sunt illa iniustitiæ genera secundum Ciceronem, quæ vitare iustum principem studiosè oportet, ne cui scilicet iniuriam faciat, & ne vi iniustam circumueniri, aut opprimi sibi commissos sinat. In quam quidem curam sedulo operam dedit Radziuilus, ut ne grauatus iniusto onere, nec desertus in bonâ causâ quisquam videretur. Cum etiam in omni gubernatione bonitas, & clementia in tuendis, & conseruandis sanabilibus multò utilior sit ad retinendum imperium, quam rigor & iniusta seueritas: æquitatem semper rigori prætulit, &

O R A T I O

summi rigoris acerbitem *ἐπιτακτικῶς* mitigavit, ac temperavit. Quod faciendum esse cuique bono ciui, & reipublicæ moderatori apud Thucydidem libro 3. in concione suâ docet Diodotus. Nec exactionibus immoderatis subditos exhaustit, sed tanquam bonus patriæ terræ cultor paterno animo subditis suis consuluit, salutem patriæ prospexit, & ut victus honestus, & necessarius suppetere, operam dedit, ut nihil à bono patrefamiliâs differret.

Pro patriæ libertate acrius, quàm pro vitâ ipsâ propugnauit, nec committendum sibi esse duxit, ut imminutam illam ullâ in parte posteris suis traderet. Compertum est id cum aliâs, tùm non multos ante annos, cum de Vilnensi episcopatu in Lithuaniam certamen acre exortum est. Lithuanicæ enim reipublicæ interest, ne ad externum ullum dignitas illa transferatur. Rex verò & cum eo alij multi omni ope, & opere enitebantur, ut Bernardus Maciejousky Polonus inferretur atq; intruderetur. Quod cum iuri & libertati gentis Lithuanicæ contrarium esset, summâ contentione dux Christophorus pugnabat, ut, repudiato extero, Benedictus VVayna Lithuanus episcopatum consequeretur. Idq; etiam obtinuit, & documentum illustre dedit, quanti referat, patriæ

iura,

F V N E B R I S.

iura, immunitates, & libertatem tueri, etiam contra eos, quorum potentia formidabilis esse non parum videtur. Ciceroni non fuit criminofum patriæ libertatem contra Antonium in republ. Romanâ defendere. Nec vitio datum est Demostheni Atheniensium gubernatori, patriæ dignitatem, & iura contra Philippum Macedonia regem tueri. Ergo nec Christophoro duci suum studium libertatis ducatus patrij defendendæ fraudi esse potuit. Sæpè enim reges boni, iusti, & moderati sunt, sed aliorum impulsu deflectuntur. Hic nisi sint, qui pro priuilegijs & libertate propugnent, iacturam fieri magnam necesse est. Ex quo cognosci potest, quanti referat, principes, atque alios ciues bonos pro patriæ suæ libertate certamina, & si necesse sit, etiam pericula subire. Neque omnis defensio libertatis patriæ est habenda rebellio. Caret enim huiusmodi defensio acerbitate, odio, & nocendi cupiditate, nec excludit amorem, & obedientiam magistratui debitam, sed ea potius moderatione suscipitur, ut magis permessa à rege iusto quàm vindicata ab eo videatur, quemadmodum de Hephestione Alexandri magni duce Quintus Curtius scribit.

Quemadmodum autem secunda aliqua euenire principibus bonis, sic etiam aduersa plurima

ijfdem

O R A T I O

ijisdem accidere solent. Fieri enim aliter non potest, quàm vt omne, quod bonum est, à vitijs vtrinque oppositis impugnetur. Et cui prospera ad tempus eueniunt omnia, is ad extremum malorum quasi quodam turbine obruitur. Alexandro Magno annis duodecim, quibus orbem terræ prælijs, & victorijs peragrabat; ad nutum, & voluntatem fluebant omnia, ad extremum verò non ipse solùm, sed vniuersa etiam familia miserè, luctuoseq; interibat. Meliori fuit conditione Antigonus, qui cum vnoquoq; bono malum aliquod tolerabile diuinitus sibi dari petebat. Bene igitur factum, quòd huic etiam duci Radziuilo non tantùm felicitas in conficiendis rebus rogatis, & bellicis à Deo concessa est, sed etiam odia, certamina, & aduersa multa in vitâ acciderunt, vt vicissitudo esset bonorum, & malorum, secundorum & aduersorum Christianis, & viris etiam magnis minimè inusitata, sed necessaria potius, & salutaris. Ex ijs enim, quæ patimur, erudimur, vt apud Herodotum Cræsus ait, vt in omni fortunâ fortes & constantes esse discamus. Quod huic etiam Christophoro duci diuinitus tributum est, vt secunda, & aduersa patienter tulerit, & exitum tandem consiliorum, & actionum suarum lætum, & salutarem habuerit: quod viro bo-

no,

F V N E B R I S.

no, recteq; sentienti plerunq; vsu venire dux fortissimus & sapientissimus Artabanus apud Herodotum asseuerat.

In matrimonio etiam fortunam variam expertus est. Nam quatuor vxores duxit, vnam Annam, ex illustri & generosâ gente Sobkouiorum, secundam Catharinam, illustrissimi principis Constantini ducis Ostrogia palatini Kuouiensis filiam, tertiam Catharinam Comitis à Denczyn filiam Simeonis Slucensis relictam viduam, quartam Elisabetam Catharinæ coniugis secundæ sororem illustris domini Samogitiæ præfecti relictam viduam. Liberos reliquit generosissimos, illustrissimum principem Ianusium, Bizarum, & Slucia ducem Anno 1579. Iulij die 22. ex secundo matrimonio natum, qui vxorem duxit Sophiam Slucensis ducatus vnicam, & vltimam hæredem, Anno 1600. Octobris die primâ. Ex coniuge terciâ suscepit filiam Elisabetam nomine, quæ 13. Decembris Anno 1583. nata, Anno 1599. Iunij die vicesimo, illustri domino Leoni Sapiehæ magni ducatus Lithuaniae cancellario nupta est. Ex eadem coniuge natus illustrissimus princeps Christophorus, Anno 1585. Martij die 22. non solum idem cum patre generosissimo nomen habet, sed eandem etiam indolem ad virtu-

D

tem

ORATIO FVNEBRIS.

tem præ se fert, & sapientiæ magnanimitatisque
spem minimè fallacem, tùm in rebus gerendis in-
dustriam, & felicitatem liberalissimè pollicetur.
Beatus igitur dux Christophorus Radziuilus, qui
ducem filium Christophorum post se reliquit, a-
nimi, & heroicæ fortitudinis, felicitatisq; suæ æ-
mulum, atq; imitatore optatissimum. In hoc
suauiter acquiescēs ex hac mortali vitâ in immor-
talem migravit, Anno Christi 1603. Nouembr.
die 20. & suis quidem mœrorem, luctumq; acer-
bum, sibi verò celebritatem nominis,
& famæ nunquam intermoritu-
ræ reliquit.

F I N I S.

ERRATVM.

Litera B fac. 2. lin. 20. lege Liunionæ.



Θ P H N O I

In obitum

ILLVSTRISSIMI PRINCIPIS
AC DOMINI, DOMINI

CHRISTOPHORI
RADZIVILI DVCIS
BIRZARVM A' DVBINKIS,
&c.

*Autorum diuersorum & Professorum
in Academia Lipsica.*



ANNO

M. DC. IV.

E

IN OBITVM

Illustrissimi & maximè inclyti Prin-
cipis ac Domini, Domini

CHRISTOPHORI RADVVILI,

DVCIS BIRZARVM ET DVINKIS,

Comitis in Schidlovvitz, Palatini VILNEN-

sis dignissimi, &c.

ἡediaσμα.

QVē pietas, Regniq, fides, generisq, propago

Inclyta, quem celebrat Martis & artis honos,

Christophore d Radvvile Ducum Dux inclyte, vitæ

Stamina ducentes, sed moriēre, sonant.

Bellona at laudes, & quæ, pia Numina, amāsti,

Æternum propria laude perire vetant.

Sic virtus lethi superat vim, conscia iusti

Mens, iustum tete sistit & ante DEVM.

Litale plange Ducem: Regni iacet altera dextra:

Plange, iacet summi relligionis honor.

Sistite Pierides planctum, & Mauortis alumni

Sistite, viuit adhuc laus, Pietasq, fides.

Mortale hic tantum liquit, sed viuida virtus

Viuit, & ante homines, viuit & ante DEVM.

In pientis memoriam, beneficiorum
in se regiē collatorum memor lu-
gens P. Franciscus Romanus in
Muckershausen, Illustris. & po-
tentis. Elector & Ducum Saxonie
Consiliarius.

ARA DVCIS CHRISTO-
FERI A RADZIVIL.

Contegor hoc princeps tumulo, & quæ princi-
pe dignæ

Virtutes, belli & pacis uterq; parens.
Nec bello formidavi, nec pace quievi;
Pace tamen per me terra potita mea est.
Talis eram PATER unus, erit quoq; FILIVS alter,
SIC PATER IN NATO EST, IN PATRE NATVS ERIT.

Iacob Schultes, D.

Lituanie occubuit Princeps, fortissimus Heros,
Quem Mars non potuit vincere, Morte cadit.
Princeps pace bonus, bello haud superabilis vlli,
Siue feros contra pergeret ire Getas.
Hunc Thrax crudelis metuit, metuere Trionum
Gens habitans claro fulere seuæ virum,
Palladiæ artis pugnans è Palladis arce
Excoluit, studio iuuat, amore fovens.
Ergo hunc Germanus doleat, doleatq; Polonus,
Palladiæq; edant tristia signa Dee.
Princeps Lituanie occubuit, fortissimus Heros,
Quem Mars non potuit vincere, morte cadit.

Ioachimus Tanckius D.

Anatomes & Chirurgiæ Profes-
sor Pub. in Academia Lipsiensi.

Insignes

Insignes lugere viros meritisq; potentes,
Quos mors è terris abstulit atra, pium est.
Sunt hi sunt generis gemmæ mortalis, & orbem
Illustrare velut lucida stella solent.
Illustris factis, illustri stemmate natus
CHRISTOPHORVS mortem sic RADEVILVS obit.
In luctuq; suos desiderioq; relinquit,
Antehac qui generis firma columna fuit.
Flete piæ Musæ, longos & ducite luctus,
Iusta nimis vobis causa doloris adest.
Dum vixit doctos homines RADEVILVS amavit,
Munifico clarum fouit & ære chorum.
Propatria pugnas RADEVILVS, pectore forti
Cum vario toties contulit hoste manus.
Sincerae illius quæ recta ducit ad astra
Curæ ipsi fuit & religionis honor.
Inq; fide CHRISTO firma constanter adhæsit,
Supremum vitæ tempus adusq; suæ.
Corporeis liber vinclis hinc arce receptus
Ætheria præsens conspicit ille DAM.
Nec verò totus periit, manet inclyta fama,
Quam delere adeò nesciet vlla dies.
Nec satis hoc : terris summa virtute reliquit
Natum, cui patrius fulget in ore vigor.
Dij faciant viuens ut longos sospes in annos
Præclari generis sit maneatq; decus.

*M. Iohan. Albinus, poëtica Pro-
fessor in Acad. Lips. publicus.*

LITVANIAE PLANGOR,
In obitu
ILLVSTRISSIMI, POTENTISSI-
MIQUE PRINCIPIS AC DO-
mini, Domini
CHRISTOPHORI RADZIVIL
SENIORIS, DVCIS IN BIRZE
ET DVBINKI, &c. PALATINI VIENENSIS,
Domini quondam pientissimi
& clementissimi :

ET EIVSDEM VOTVM;

Cum illustrissimæ Gubernationi pa-
ternæ successurus esset illustrissimus, generosissimusq;
Princeps ac Dominus, Dom. CHRISTOPHORVS
Junior, Dux in Birzè, &c. Dominus
clementissimus.

*Siccine CHRISTOPHORVS senior, Palatinus in oris
LITVANIAE occubuit? quo non illustrior alter
Dux erat, excelsiq; animi vi clarior Heros;
Inter RADZIVILES ter maxima gloria, morbo
Difficili, mortisq; potenti cuspide fixus,
Siccine nunc terras inopinâ morte reliquit?*

*Quis mihi subiectæ TELLVRIS prabeat undas?
Quisue meis oculis lachrymarum flumina subdat?
Vt desiderium tanti DVCIS, atq; dolorem
Imis visceribus conceptum effundere possim?*

*Va mihi tam miserè in luctus squalore iacenti,
Orbataq; duce, ac patria PATRE, qui caput hosti
Obiecit toties, vt dulci pace ligeret*

Vsg.

*Vsg. frui mihi, nec quassata turbine rerum,
Religio, cultusq; DEI, Pietasq; deesset:
Qua nunc circumspēctat, & alium poscit asyllum
In terris metuens furias, morsusq; luporum.
At tu diue Pater, DVX ô fidiſſime quondam
Securus terræ, & patriæ securus amorum,
Nunc in celeſti Regumq; ducumq; Sacrorum
Iofia, Ezechiaq; manes latante coronâ,
Conſpectuq; DEI fruieris, donec tuba magno
Arida defuncti clangore reſuscitet offa.*

*Va mihi deſerta, quàm contabeſceret imo
Pectore viva mihi vis, & ſpes omnis abiret.
Immaniq; gelu formido reſolueret artus,
Nî bonitate DEI celſo de ſanguine RADZIVIL
CHRISTOPHORVS mihi Magnanimi PATRIS inclyta proles
Ceu clarum ſydus per denſam affulgeat umbram,
Qui nunc jure ſuo patrias moderetur habenas.*

*Hic eſt, hic PRINCEPS in quo ſpecioſa renidet
Illuſtri velut in ſpeculo GENITORIS imago;
Qui belli ac pacis ſolers acquiſiſt artes,
Communem vt poſſet patriâ ſtabilire ſalutem
Conſilio, atq; hoſtes dextrâ frenare potenti.*

*Hunc Europæ Muſa erudière per artes,
Quæ formant, mentemq; & mita pectora reddunt,
BELGICVS HUNC VICTOR famâ ſuper æthera notus
MAVRICIVS, quem nunc ſelici marte tonantem
Degeneres animi metuunt, fugiuntq; trementes;
Bellandi edocuitq; modum, variasq; figuras.*

*Expectatus ades Princeps, votisq; petitus
In te oculos verto, teq; unum admiror euntem,*

LITVA.

LITV ANICI procures mecum, atq; Polonides ora
 Suspiciant, regniq; exordia fausta precantur.
 SIS PIVS & felix, nec non DVCE & auspice CHR ISTO,
 Quem fidente tuo clausum sub pectore gestas,
 MARTIS & artis opus generoso suscipe motu.
 SIS PIVS & FELIX; sic famam equabis Olympo,
 Et mirabuntur seri tua facta nepotes.

Ioannes Neldelius Glogouienf.
 Aristotelicæ Philosophiæ in Aca-
 demia Lipsica Professor.

IN TVMVLVM ILLVSTRIS-
 SIMI PRINCIPIS CHRISTOPHORI
 RADZIVILI, Ducis Birzarum &
 Dubinkorum, &c.

Mole sub hac recubant laudati Principis ossa,
 Quo se iactabat Sarmatis ora DVCE.
 Vixit illo, vixit Pax aurea, & extulit altè
 Diua Astræa suum Relligioq; caput.
 At postquam excessit terris, passim omnia moerent;
 Squalent, curia, templa, domus.
 Vnica spes superest, patrui nominis hæres,
 RADZIVILIDUM illustri è stemmate CHRISTOPHO-
 Hoc Duce pax rursus, pax aurea surget, & altè (RV3
 Frontem Astræa suam Relligioq; feret.
 Dij saluum hoc præstate caput, quo sospite Gentis
 Sarmatidos stabit fama, cadente cadet.

M. Ioan. Fridericus,
 Profess. Natur. Philos.

Est anima vinculum corpus, cen dicere Graij,
 Musa loqui culto queis dedit ore, solent.
 Et non immerito: quia in hoc quasi carcere clausa,
 Aethereis anima è sedibus orta, latet.
 At verò nullum talis clementia cepit,
 Vt cuperet claudi carcere liber homo.
 Quantumvis igitur pietati & sanguinis arcto
 Vinclo aliquid fas sit cum ratione dari:
 Gratandum potius tamen est, quàm more dolendum
 Gentili, si quis carcere liber abit.
 Quod decet, vt facias ô illustrissime Princeps,
 Ex isthoc animâ claustro abeunte patris.
 Qui non duntaxat patrij moderamina regni,
 Verùm etiam dotes magni imitare patris.

Mitigandi luctus ergò humiliter mittebat
 M. VVolfgangus Coruinus,
 Dial. Prof. publ. ibidem.

HIERONYMVS MEGISERVS,
 Co. P. Cesar. & Electoralis Prof. Extr. Lipsicus.

Dignum laude virum laudari à funere fas est;
 Sed laus laudati illustrior ore venit.
 Laudato placuisse viro, laus vltima non est.
 Malo bono vni, quàm mille placere malis.
 Hunc itaq; auspicijs grator, Dux inclyte, faustis,
 CHRISTOPHORE, ô magno non Genitore minor,
 Qui tibi virtutis tam dignus Præco paternæ
 Contigit, & qui quod prædicat ipse facit,
 DRESSERVS: Sophia & cultæ dulcedine linguæ,
 Et varia Historiæ cognitione potens.
 Perge Patris dotes imitari fortibus ausis:
 Currenti laudes hæ tibi calcar erunt.

Nenia Funebri
SVB POLITILLÆ PERSONA
MOESTA SARMATIA, OBITU
sibi prematurum, Illustrissimi
Principis & Domini, Domini
CHRISTOPHORI RADZIVILI,
DVCIS IN BIRZE ET DVBINKI:
Palatini Vilnensis & summi Militiæ, in
M. D. Lituaniæ Imperatoris. Deflet.

MANÈ nouo Roseis surgens Matuta quadrigis,
Aurea conuexo summorū sidera cælo;
Purpurea summo sparsa de vertice flamma;
Tum propter torui resonantia litora Nepti,
Mœstus agens Ichthēus ferro fallebat adunco,
Vsq; sitibundos Nerei, vaser arte, nepotes;
Sollicitus Patriæ metuens, tristēmq; ruinam
Excitans animo Nepti salientibus undis.
Ipsa autem folys, lugubris vieta Cupressi
Inter & inuisi lacrymas & murmura planctus
Hæc memor accedens propius POLITILLA profudit.
Verba, prior Buxo fidus quæ inciderat Atlas,
Dum reget patriæ prudens moderator habenas.
O luctus damnate bonis: o plena doloris
Tempora, quæ requies miseros solabitur? aut quis
Finit erit? quæ poena meos manet aspera ciues?
Non maior (memini) diri violentia Fati
Heu vngquam patriæ quassauit limina terræ,
Sive ab Hyperboreis dum Moschus surgeret oris,
Sive Scythes dulces si quando perureret agros,
Qualis quæ inuiso rapuit mihi funere Daphnin,
Daphnin, cui robur firmum, cui viuida virtus.
Venturos Pili spondebant Nestoris annos.

Quam

Quam subito occubuit Patriæ spes maxima nostræ?
Heu mihi me miseram in tanto feruore malorum,
Plurima quæ circumstant, quis solabitur? aut quis
Optatas desperanti mihi porriget vlnas?
Nulla manent egram solacia: nulla quietis
Apparet facies: sunt omnia plena laborum,
Et velut insignis folys & fructibus arbor
Fulmine tacta Iouis pauidos formidine quassat.
Agricolæ: sic alma iacet Respublica damnis
Icta suis: stulto nisi fabula vana popello.
Ergo ubi caræ legam vestigia Daphnidis? illum.
An iuga Hyperboreis nunquam viduata pruinis
Carpati ducunt, per inhospita tesqua vagantem,
Vt metuo summas ne ladan frigora plantas.
For san & Eois noua regna ausurus in oris,
Sustinuit fragili sese committere ligno?
At quantus, fama est, mare defaure procellis:
Hic dubiæ Syrtes & saxa latentia terrent:
Hic rabie metuenda sua furiosa Charybdæ,
Et peior cunctis latratu Scylla canino,
Horrendum resonans cœlestes prouocat auras.
Quid loquar innumeram monstrorum in gurgite turbam?
Vt metuo in medijs Echeneida fluctibus? illum.
Fama canit validas nam sistere posse carinas.
Vos Pelagi indigetes, magni quos Rector Olympi
Oceani ingentis moderari iussit habenas,
Undisonas cohibete minas: componite fluctus:
Et fragilem seruate ratem: perducite portu
Optato incolumem, clementi numine, Daphnin.
Istula Sarmatiæ decus & dominator aquarum,
Baltica tartareo qui murmure stagna saluat;
Massonium enadens stupidum, Prutenūq; superbum,
Diue refer querule non cunctabundus amanti,
Daphnin ubi? quodnam Pelagus, quæ flumina tentet,
Ab fragili abstineat nimium considerare ligno.
Interea in virides me vertam sedula sylvas:

Si quã fortẽ queam tristes deponere curas.
Inter Hamadryadas, tum numina diã Napeas,
Daphnin ego in lustris inter spelea ferarum,
Daphnin & umbriferæ valles, montesq; sonabunt,
Commiserata meos forsan fera numina planctus,
Daphnidis optati nobis vestigia dicent.

Daphni ubi es? an nemorum lustras iuga summa beatus?
An te frondosæ ducunt super omnia valles?
Te querula in lustris, inter spelea ferarum,
Sive diem Titan spargit, seu lumina condit,
Effingo; te te ingemino mea gaudia solum.

Daphni ubi es? ab trepidas quã debeo vertere plantas,
Ut videam Diuina tui iam pignora vultus,
Pignora livoris tumidiq; expertia fastus:
Da faciem mihi Daphni tuam; te siste vocanti.

O ubi magnificamq; animam, dextramq; potentem
Inueniam & sancto sanctas in pectore dotes,
Munificumq; animum: quibus hic equare solebas
Æthereas cœli sedes, turbamq; beatam?
Nam quis te accessit, quem non susceperis? aut quis
Abs te suffusus tristi mœnore recessit?
Quem non sponte sua tua dextera iuuerit: illi
Hac pietas innata fuit succurrere cunctis.

Daphni ubi es? ah notam iam iam mihi reddere vocem
Dine tuam propera: nostras miseresce querelas,
Quas surdi montes, quas umbriferæ conualles
Admittant: neũ dure velis augere dolorem
In mea fata meum: satis hic dependimus omnes
Pœnarum, si quæ veteris contagio culpa
Non elota, manus animasq; infestat inertes.
Ah patri satis est paulum pro crimine magno
Supplicij; iam parce tuis pater optime: da te
Mi misera facilem, moueat lacrymosa mearum
Te rerum facies dubijs obnoxia fati.
Nulla mihi requies sine te speranda laborum:
Mille meum circum steterunt caput undiq; pestes.

Hac

Hac ferus insurgit captam turbare quietem
Hostis, & attentat subtilibus omnia technis.
Parte alia quondam possessos eripit agros.
Cumq; agris pecudes rapiat vicinus, & instat
Crudelis, quem nec pietas, nec conscia iura,
Absterrent: quin cuncta tuis extrema minatur.
Quid loquar Harpyias, quæ clam mea viscera vellunt?

Te moueant Cines, tanti quos vulnera planctus
Conficiunt, nullamq; iubent sperare salutem,
Te sine nil nobis nec dulce, nec utile restat,
Omnia perpetuo sepelisti gaudia luctu,
Mene etiam tristis post tanta incommoda vite
Non potuisse, diu questam accersere mortem,
Et felix viduas olim euitare querelas?
Te flebat pia turba, suis quæ candida votis
Implorans deposcit opem, nunquamq; negatum
Consilium, auxiliumq; tuum, te siste vocanti.

At ego nequicquam tenues singultibus auras
Impleo, nequicquam bibulas efundo querelas.
Daphnis abiit: Daphnis patrias inuisere sedes
Sustinuit, Daphnis felix super æthere regnat.
Non illum tellus, nec habet mare, candidus alto
Heres adscitus per Christi vulnera cœlo
Ducitur optatis cœlestis sedibus aule:
Et me sperati consortem expectat Olympi.

Ergo ibi miratur spatiosa Palatia mundi
Ætherei lucemq; sacram, turbamq; beatam,
Turbam, quæ sequitur puris in vestibus agnum,
Sola canens Patrium festiui carminis hymnum:
Sub pedibus volucres orbis septemplex axes,
Et Phœben stupet, & fulgentia sidera mundo
Perdiscitq; huius quæ sint sua semina vite,
Unde olim fragiles venit delapsus in artus,
Inde illum repetam deserta in fœdera vite.

Quid loquor ah demens, quæ nostra insania mentis?
Indene te repetam Daphni optime? scilicet huius

F 3

Nunc

Nunc qui te cura trahat? qui carcere tanto
Egressus, miserirides ludibria mundi.

Ergo his exuijs, atq; istis sordibus, olim
Libera te sequar, & tecum sperata futura
Consequar eternum felix & sospes in aeuum.
Gaudia, non ullis fatis obnoxia, vita;
Gaudia perpetuam rerum spirantia pacem,
Interea salue atq; meo vale inclute luctu.

Ad animam Radziuiliam.

Sancta anima, & querulis iam non obnoxia fatis,
Quae capis eterni premia certa boni.
Ecquid te nostri memorem cura vlla fatigat?

Auribus an sordet nostra querela tuis?
Te nobis prematuro dessemus ademtam;
Et querimur miseros tardius ire dies.

Te praesente quibus ridebant omnia quondam,
Omnia iam sordent ipsaq; vita probro est.
Cur mihi non licuit tecum superesse, diuq;

Perfruiet vultus commoditate tui?
Nempe sibi caelum hoc, sine te caelum esse nequibat:
At tibi cum es caelum: Tartara dira mihi es.

LESSVS LITVANIÆ.

Ille abiit: ego mutor.

Si quis ad questus, lacrymasq; nostras,
Mens quibus tristis superata cædit,
Liberam curis bibulis nec ægram ad-
Mouerit aurem:

Ille miratus calidas querelas
Mens quibus tristis superata cædit,
Se fuga torquens misera, suiq;
Nescia fati,

Dicat,

Dicat, ô quanti est sapere atque amare
Quando amor diæ rationis expers
In nouas mutat (pudor heu referri)
Corpora formas.

Hei mihi ô vitæ lacrymosa nostræ
Tempora, ô inuisa Bonis querela,
Sicne humi affligis superam beatæ
Particulam auræ?

Ille vt excedens miseris tenebris
Pignus æterni repetit Patl
In nouam demens querulo figuram
Mutor amore.

Nam me vbi liqui, quibus aut supersum?
An quid humanæ manet vsq; formæ?
Anné abijt totum, vt modò nuda substat
Corporis vmbra?

Induit saxum Niobe, & sepulcrum
Fit sibi, nec non manet & cadauer.
O mihi quid sum? gelidum an sepulcrum
Anne cadauer?

Nec cadauer sum mihi, nec sepulcrum;
Nam quid hic (si sum) miseris querelis
Enitor? quid me dolor vsq; & vsq;
Lancinat atrox?

Consciæ fati miseri ministræ
Parcite ô Parcæ: melior recessit
Pars meæ vitæ, nisi nuda substat
Corporis vmbra.

EPICÆ-

E P I C E D I V M.

Daphnis apud superos ut desijt esse superstes,
 Caput apud superos verius esse suos:
 Nec tamen hic des It, qui desijt esse superstes,
 Ergo is apud superos vivit utring, suos.
 Pura Polum subiit Mens: virtus dia superstes
 Vivit & in magnis claret utring, Dijs.

H Y P O R C H E M A.

Trenodie ad animam Radziuiliam.

Lacryma, miseria, vigiles
 Canere celeriter aliquid habile iubent.
 Domicilia supera colens
 Anima, pia, bona, vitrea, nitidula,
 Vbi Charis erat, vbi lepos
 Sineq; scelere pudor, vbi mera pietas,
 Locane Poli igitur habitas
 Sacra, tibiq; noua sacra data recipis?
 Frueris inibi Deo auida
 Bonaq; tua sine lacryma ibi retines
 Vbi metus, vbi dolor abest,
 Supera resonat vbi tripudia phalanx.
 Age noua Policola Dea
 Noua melea tibi cano, tibi numeros
 Dicat animus opere habilis.
 Cape. Paria alibi neq; scio neq; habeo.



Ad

ILLVSTRISSIMVM PRINCIPEM
 AC DOMINVM, DOMINVM

CHRISTOPHORVM.

R A D Z I V I L V M, D V-
 CEM BIRZARVM ET DE
 DVBINKIS, &c.

Dominum suum clementissimum.



ETSI VERISSI-
 mum est, illustrissi-
 me Princeps, vitæ no-
 stræ & ætatis decur-
 sum non euidentius
 & certius apparere,
 quàm Sexagesimo
 tertio ætatis anno
 (qui à multiplicatione duorum clima-
 tericorum numerorum, septenario
 nempe, procreatur & nouenario) quem-
 admodum idipsum non tam ipsius Ari-
 stotelis, Maronis, Ciceronis, aliorum-
 què summorum virorum de Republ.

præclare meritorum obitus, quàm quotidiana experientia rerum magistra, cui contradicere Sophisticum est, comprobatur: Attamen inter cæteros annos, quos ἀπὸ τῆς κλίμακας, id est, à scala siue gradu, & quòd in his, quasi per scalæ gradus vita ætasque hominum progredi ac quasi scandere videatur, non incongruè climactericos nominamus, annum ætatis Quinquagesimum sextum non minus fatalem esse, & ingenio atque arte præstantibus ac illustribus viris vitæ ætatisque terminum decernere, per exempla multiplicia compertum est. Nam quis historiarum ita planè ignarus est, qui nesciat Iulio Cæsari, Heinrico IV, Imperatori Ludouico & Matthiæ Regibus Vngariæ, Caroli filio, Friderico I Regi Daniæ, Heinrico VIII, Ludeuico XII, Regi Franciæ, Adolpho Duci Holsatiæ, aliisque compluribus summis heroibus hunc climactericum extremum vitæ annum fuisse.

fuisse? Ac quid in præsentia pluribus exemplis opus est? obtulit sese perillustre (tametsi luctuosum) præterito anno, vigesimo die Nouembris in laudatissimo & fortissimo Principe ac Domino Domino CHRISTOPHORO RADZIVILO, Duce Birzarum è Dubinkis. Sacri Romani Imper. Principe &c. Parente generosissimo illustrissimæ celsitudinis tuæ, quem constat non sine præclari nominis omine in hanc lucem editum fuisse, anno Redemptionis nostræ 47. post Millesimum, quingentesimum; Et rursus euocatum ex hac fragili & calamitosa vita prædicto tempore, non sine maxima Reipubl. iactura, luctuque subditorum suorum, imò totius regni Polonici grauissimo. Qui sanè casus magnam quoque attulit tristitiam tum multis alijs per Germaniam nostram hominibus, tum præcipuè huius inclytæ Aca- demiciæ Professoribus, utpote quibus non

incognitæ fuerunt virtutes præclarissimæ
 laudatissimi Principis, τὴ ἐν δὺλογία, per-
 spectaque affectio planè singularis in
 hanc Academiam, quam maximè decla-
 ravit in eo, quod tuam illustrissimam cel-
 situdinem in hac studiorum gratia ver-
 sari, & per annum integrum (non sine
 laude eximia progressionum egregiarum
 in liberali doctrina, virtutumque lauda-
 tissimarum documentis illustribus) com-
 morari voluit. Atque ut rursus illi de-
 clararent aliquo modo gratam erga bea-
 tissimum PRINCIPEM memoriam, tum
 erga illustrissimam tuam celsitudinem
 obseruantiam suam, publico nomine
 voluerunt extare hoc funebre monu-
 mentum literarium, præmissam (di-
 co) orationem, de vitæ curriculo, re-
 busque gestis præcipuis defuncti princi-
 pis laudatissimæ memoriæ, à viro clarissi-
 mo conscriptam, atque huic adiuncta
 quorundam collegarum nostrorum, vi-

rorum

rorum præcipuorum & doctissimorum
 Epicedia. Quæ omnia typis exarata, iam
 transmittō; Petoque à T. Cl. ea qua de-
 beo animi submissione, ut moram hanc,
 quæ intercessit, æquo animo ferat, meque
 pro insigni sua humanitate ac clementia,
 quemadmodum antehac ea quoque de-
 inceps sibi commendatum habere pergat.
 Datæ Lipsiæ, XXV. die Martij, quo filius
 DEI, Saluator generis humani, in vtero
 virginis MARIÆ natæ ex Regia stirpe
 DAVIDIS, humanam naturam assump-
 sit ante annos Quatuor supra mill. sex-
 centes.

Illust. Celsitud. tua

deditissimus

Christophorus Meurerus, D.

Mathemat. Professor, & Reip. Lips.

Physicus ordinarius, &c.



L I P S I Æ,
Excudebat Michaël Lantzenberger.

ANNO

clō. lō. ciiiii.







